

on 04 March 2014  
FSS agih BB1M Mulai Esok



"Rezeki Pelajar....." Haji Mohamad Zaky Gardafi (depan kanan, bersama-sama staf FSS lain, sedang menyediakan BB1M untuk pelajar FSS



KOTA SAMARAHAN, 4 Mac 2014 - Fakulti Sains Sosial (FSS) UNIMAS akan mula mengagihkan Baucer Buku 1Malaysia (BB1M) bermula esok hari.

Penolong Pendaftar Kanan FSS, Haji Mohamad Zaky Gardafi Ibrahim berkata, pengagihan BB1M itu akan diadakan selama tiga hari bermula esok hari sehingga hari Jumaat (5 hingga 7 Mac 2014).

Sebanyak 2,300 baucar buku berkenaan akan diagihkan kepada pelajar FSS di lima buah tempat iaitu di Makmal GIS 1 Aras 1(1-191), Makmal Komputer 1 Aras 1 (1-302), Makmal Komputer 1 Aras 1 (1-326), Makmal Komputer 2 Aras 1 (1-396), Makmal Komputer 2 Aras 1 (1-374) dan Makmal Komputer 3 Aras 1 (1-343).

Haji Mohamad Zaky berkata, FSS meliputi pelajar dari tujuh buah program iaitu program Antropologi dan Sosiologi, Kajian Antarabangsa, Kajian Hubungan Industri dan Perburuhan, Perancangan dan Pengurusan Pembangunan, Kajian Khidmat Sosial, Kajian Komunikasi, Kajian Politik dan Pemerintahan.

Menurut beliau, kaunter pengagihan akan dibuka bermula jam 8.30 pagi hingga 12.30 tengahari dan dibuka semula pada 2.30 hingga 4.30 petang pada hari Rabu dan Khamis manakala Hari Jumaat, kaunter dibuka pada 8.30 pagi hingga 12.00 tengahari dan dibuka semula pada jam 2.30 hingga 4.30 petang.

Fakulti-fakulti lain di UNIMAS juga akan membuka kaunter yang sama untuk pengagihan baucer berkenaan dalam masa terdekat.

Artikel oleh : Sarena Haidir || gambar Oleh : Bujang Mohamad || Bahagian Perancangan & Komunikasi Korporat